



Regioni Atònoma de Sardigna



Sighendi a atobiai e a contai su
Sulcis

Is Animeddas

PROGETU "SIGHENDI A ATOBIAI E A CONTAI SU SULCIS"
FINANTZIAU CUNFORMAS A SA L. 482/99 E A SA L.R.
22/2018. BANDU TULIS 2024



SU PRIMU DE MESI DE LADÀMINI...

Is animeddas, sa festa po is ànimas, torrat a bivi gràtzias a is arregordus de is antzianus chi in custas diis, candu fiant piciocheddus, sa noti de su 1 de mesi de ladàmini, cuncordànt sa mesa cun candelas e candeleddas lassendi cosa de papai po is mortus.



IS ÀNIMAS BESSINT DE SU PRUGADÒRIU...

Difatis si contat ca de
sa noti intra su 31 de
ladàmini e in is duas
diis avatu is gennas
de su prugadòriu
s'aberrint e is ànimas
de is penitenti nci
podint bessì.



Po custa festa is
pipieddus bessiant
bistius de tzàpulus
tochendi is gennas
de d-ònnia domu e
circhendi cosa po is
ànimas
malassortadas:
aràngiu, mèndula,
limoni, arenada e
pani de sapa




SU PRIMU DE MESI DE LADÀMINI...

De chitzi mannu e fintzas a
is 11 de mengianu, si
fadiant is missas e a meri
su sagrestanu sonàt is
campanas a mortu. Fiat
unu sonu lentu e tristu e
cumentì calàt su scuriu
cussa atmosfera tristurosa
ndi faiat atzutzuddai is
pilus...



SU PRIMU DE MESI DE LADÀMINI...

A merì s'alluiat sa làntia fata
de unu cordiolu de arroba
satzau de ollu e cravau in unu
arrogu de ortigu chi si lassat
a pillu in una cicara de àcua.
Duncas d-ònnia ànima teniat
sa luxixedda cosa sua chi si
lassat fintzas a mesunotis de
sa dii avatu



Po is pipieddus inghitzàt su
spàssiu: pregontànt a is
babbus e is mammas de podi
“andai a is ànimas” e nci
bessiant a tocai is gennas de
is domus de is chi
connosciant circhendi
donixeddus e arregallus (chi
allogànt in una sachita bècia
po sa farra opuru in una
coscinera) po ddis podi
allebiai su trumentu a is
ànimas..



A scurigadroxu torrànt a domu e
totu su chi iant coberau ddu
sterriant in sa mesa, e a innantis
de si ddu papai si pregànt a is
ànimas. A pustis de ai cenau
torrànt a dda sterri poita a
mesunotis is mortus iant a essi
torraus po papai pasta o
minestra casu, pani, àcua, binu e
cafei. Su mengianu avatu is
mammass arretirànt totu e ddis
narànt a is fillus chi is ànimas
iant agradèssiu meda e iant
papau totu.






Regioni Atònoma de Sardigna



Sighendi a atobiai e a contai su
Sulcis



po is ànimas.

